

全上古三代秦漢三國六朝文

全後漢文卷二十一

烏程嚴可均校輯

吳漢

漢字子顏南陽宛人莽時爲縣亭長坐法亡命更始初拜安樂令光武徇河北拜偏將軍從平王郎賜號建策侯拜大將軍及卽位拜大司馬更封舞陽侯明年定封廣平侯建武二十年卒諡曰忠侯

奏劾朱祐

秦豐狡猾連年固守陛下親踰山川遠至黎丘開日月之信而豐悖逆天下所聞當伏誅滅曰謝百姓祐不卽斬截曰示四方而廢詔命聽受豐降無將帥之任大不敬

袁宏後漢紀四建武四年

令軍中

賊眾雖多皆劫掠羣盜勝不相讓敗不相救非有仗節死義者也

今日封侯之秋諸君勉之後漢吳漢傳建武三年與劉永將周建戰不利惟牛賽士令軍中

說陳康

蓋聞上智不處危已僥倖中智能因危已爲攻下愚安于危已自亡危亡之至在人所由不可不察今京師敗亂四方雲擾公所聞也蕭王兵彊士附河北歸命公所見也謝躬內背蕭王外失眾心公所知也今公據孤危之城待滅亡之禍義無所立節無所成不若開門內軍轉禍爲福免下愚之敗收中智之功此計之至者也後漢吳漢傳光武因謝躬在外乃使漢與岑彭襲其城漢先令辨士說陳康云云康然之開門內漢等

馮異

異字公孫潁川父城人莽時爲郡掾監五縣光武爲司隸校尉署爲主簿從徇河北拜偏將軍封應侯及爲蕭王進孟津將軍建武二年封陽夏侯尋拜征西大將軍領北地安定太守事守征虜將軍行天水太守事十年卒于軍謚曰節侯

上書自陳

臣本諸生遭遇受命之會充備行伍過蒙恩私位大將爵通侯受任方面已立微功皆自國家謀慮臣無所能及臣伏自思惟臣詔敕戰攻每輒如意時已私心斷決未嘗不有悔國家獨見之明久而益遠乃知性與天道不可得而聞也當兵革始起擾攘之時豪傑競逐迷惑千數臣已遭遇託身聖明在傾危溷殽之中尚不敢過差而況天下平定上尊下卑而臣爵位所蒙巍巍不測乎誠冀已謹敕遂自終始見所示臣章戰慄怖懼伏念明主知臣愚性固敢因緣自陳

後漢馮異傳又見袁宏後漢紀五有刪節又有小異

遺李軼書

愚聞明鏡所已照形往事所已知今昔微子去殷而入周項伯畔楚而歸漢周勃迎代王而黜少帝霍光尊孝宣而廢昌邑彼皆畏天知命重祖宗而憂萬民覩存亡之符效見廢興之必然故能成

功于一時垂業于萬世也苟令長安尚可扶助延期歲月疏不閉親遠不踰近季文豈能居一隅哉今長安壞亂赤眉臨郊王侯構難大臣乖離綱紀已絕四方分崩異姓竝起此劉氏之憂也是故蕭王跋涉霜雪躬當矢石經營河北方今英俊雲集百姓風靡雖邠岐慕周不足已喻今馬子張皆復親幸爵位如此謝躬違戾伏辜如彼又明效也季文誠能覺悟成敗亟定大計論功古人轉禍爲福在此時矣如猛將長驅嚴兵圍城雖有悔恨亦無及已袁宏紀三又見後漢馮異傳各有刪節

任光

光字伯卿南陽宛人莽時爲鄉嗇夫郡縣吏漢兵起爲安集掾拜偏將軍更始初拜信都太守光武徇河北已爲左大將軍封武城侯及卽位更封阿陵侯

討王郎檄

大司馬劉公將城頭子路刁子都兵百萬眾從東方來擊諸反虜  
後漢任光傳世祖使光將兵從光  
乃多作器械文遺騎馳至鉅鹿界中

任延

延字長孫南陽宛人年十二游太學號聖童隗囂請不就更始  
元年拜會稽都尉時年十九建武初徵爲九真太守左轉睢陽  
令遷武威太守左轉召陵令明帝卽位拜潁川太守徵爲河內  
太守卒官

下主簿鍾離意敘

龍丘先生清過夷齊志慕原憲都尉酒埽其門猶懼辱之何召之  
有御覽五百二引謝承後漢書龍丘長吳郡人王莽篡位隱居大  
山更始時任延年十九爲東都尉折節下士鍾離意爲注簿自  
請召長爲門  
下祭酒延敘

蓋延

延字巨卿漁陽要陽人莽時爲郡掾歷幽州從事彭寵爲太守

召署營尉行護軍光武徇河北拜偏將軍賜號建功侯及卽位拜虎牙將軍更封安平侯後爲左馮翊建武十五年卒于官

上疏辭誠輕敵

臣幸得受干戈誅逆虜奉職未稱久留天誅當恐污辱名號不及等倫天下平定已後曾無尺寸可數不得預竹帛之編明詔溪閣倣戒備具每事奉循詔命必不敢爲國之憂也

後漢書延傳帝曰延輕敵漢入數日

書誠之注引東觀記延上疏辭

邳彤

彤字偉君信都人莽時爲和成卒正光武徇河北已爲和成太守拜後大將軍封武義侯建武元年更封靈壽侯行大司空事後拜太常轉少府免復爲左曹侍中

報父弟妻子

事君者不得顧家彤親屬所已至今得安于信都者劉公之恩也

公方爭國事，彤不得復念私也。

後漢邳彤傳：王郎所置信都王，

曰：降者封爵不降。

族滅彤涕泣報。

耿純

純字伯山，鉅鹿宋子人。莽時除納言士，更始初，李軼承制，召為

騎都尉。光武徇河北，拜前將軍，封耿鄉侯。及即位，更封高陽侯。

拜東郡太守，坐事免。尋定封東光侯。歷太中大夫，復為東郡太

守。建武十三年卒。官諡曰成侯。

上書自陳

前在東郡，案誅涿郡太守朱英親屬。今國屬涿，誠不自安。

後漢耿純傳注

引續漢書

報真定王劉揚書

奉使見王侯牧守，不得先詣。如欲面會，宜出傳舍。

後漢耿純傳

臧宮



宮字君翁，潁川邾人。莽時爲縣亭長，後入下江兵，爲校尉。從光武徇河北，進偏將軍。及卽位，已爲侍中、騎都尉。明年封成安侯。尋拜輔威將軍，更封期思侯。公孫述平，拜廣漢太守，更封鄼侯。徵還，定封朗陵侯。拜太中大夫，遷城門校尉，轉左中郎將。永平元年卒，諡曰愍侯。

與馬武上書請滅匈奴

匈奴貪利，無有禮信。窮則稽首，安則侵盜。緣邊被其毒痛，內國憂其抵突。虜今人畜疫死，旱蝗赤地，疫困之力，不當中國一郡。萬里死命，縣在陛下，福不再來。時或易失，豈宜固守文德，而墮武事乎？今命將臨塞，厚縣購賞，喻告高句驪、烏桓、鮮卑，攻其左，發河西四郡、天水、隴、西羌，擊其右。如此，北虜之滅，不過數年。臣恐陛下仁恩不忍，謀臣狐疑，令萬世刻石之功，不立于聖世。

後漢  
宮傳

董崇

崇扶風茂陵人。莽時與寇恂同師事安。上望之。建武初，從恂至河內。

說寇恂

上新卽位，四方未定，而君侯已此時據大郡，內得人心，外破蘇茂、威震鄰敵，功名發聞，此讒人側目怨禍之時也。昔蕭何守關中，悟鮑生之言，而高祖悅。今君所將，皆宗族昆弟也，無乃當以前人爲鏡戒。後漢寇恂傳又見袁宏後漢紀三有小異

來欸

欸字君叔，南陽新野人，光武祖姑之子。仕更始爲吏，從入關，已病去。依漢中王劉嘉，及更始敗來歸，拜太中大夫，遷中郎將。建武十一年，爲公孫述刺客所殺，追贈征羌侯，謚曰節侯。

奏薦馬援

隴西侵殘，非馬援莫能定。

後漢馬援傳

上書言隴右事

隗囂雖死西州未平公孫述曰隴西天水爲蕃蔽故得延其軀命如二州旣平則述計窮矣昔趙曰賈人爲將高祖懸曰重賞今隴右新破百姓饑饉可曰利動時也宜益資軍實曰誘未附今誠知國用未足民勞于內然天下未定不得休息

傳紙四上書無首二語文亦小異

袁宏後漢紀六來歙說上又見後漢來歙

公孫述曰隴西天水爲蕃蔽故得延命假息今二郡平蕩則述智計窮矣宜益選兵馬儲積資糧昔趙之將帥多賈人高帝懸之曰重賞今西州新破兵人疲饉若招曰財穀則其眾可集臣知國家所給非一用度不足然有不得已也

後漢來歙傳

被刺自書遺表

臣夜入定後爲何人所賊傷中臣要害臣不敢自惜誠恨奉職不稱曰爲朝廷羞夫理國曰得賢爲本太中大夫段襄骨鯁可任願

陛下裁察又臣兄弟不肖終恐被罪陛下哀憐數賜敎督後漢來  
敘傳

來歷

歷字伯珍歙曾孫襲爵征羌侯永元中爲侍中監羽林右騎永  
初中遷射聲校尉永寧時爲執金吾延光中遷太僕曰諫廢太  
子免安帝崩起爲將作大匠順帝卽位遷衛尉拜車騎將軍後  
爲大鴻臚

廢太子議

經說年未滿十五過惡不在其身且男吉之謀皇太子容有不知  
宜選忠良保傅輔以禮義廢置事重此誠聖恩所宜宿留後漢來  
歷傳

朱祐

祐字仲先南陽宛人更始初齊武王曰爲大司徒護軍復爲光  
武大司馬護軍進偏將軍封安陽侯建武初拜建義大將軍更  
封堵陽侯後封鬲侯

奏改諸王爲公

古者人臣受封不加王爵可改諸王爲公後漢朱祐傳

奏三公去大

宜令三公竝去大名呂法經典同

耿弇

弇字伯昭扶風茂陵人光武徇河北呂爲門下史進偏將軍及爲蕭王拜大將軍建武初拜建威大將軍封好時侯永平元年卒謚曰愍侯

上疏請徵

大兵未會臣不能獨進且臣家屬皆在上谷京師無骨肉之親願得還洛陽袁宏後漢紀四

上書言討張步事狀

臣據臨淄浹堙高壘張步從劇縣來攻疲勞飢渴欲進誘而攻之

欲去隨而擊之臣依營而戰精銳百倍呂逸待勞呂實擊虛旬日

之閒步首可獲

後漢耿弇傳注引袁宏書

耿舒

舒弇弟光武徇河北呂爲復胡將軍建武中進中郎將

與兄弇書

前舒上書當先擊充糧雖難運而兵馬得用軍人數萬爭欲先奮今壺頭竟不得進大眾怫鬱行死誠可痛惜前到臨鄉賊無故自致若夜擊之即可殄滅伏波類西域賈胡到一處輒止呂是失利今果疾疫皆如舒言

後漢馬援傳

耿國

國字叔慮一作叔憲弇第三弟建武中爲黃門侍郎遷射聲校尉拜駙馬都尉歷頓丘陽翟上蔡令徵爲五官中郎將二十七年代馮勤爲大司馬

南匈奴稱藩議

臣曰爲宜如孝宣故事受之令東扞鮮卑北拒匈奴率厲四夷完復邊郡使塞下無晏開之警萬世有安寧之策也

後漢耿  
秉附傳

耿秉

秉字伯初國子曰父任爲郎永平中歷謁者僕射駙馬都尉章帝卽位拜征西將軍遷度遼將軍徵爲執金吾章和中復拜征西將軍封美陽侯永元二年代桓虞爲光祿勳明年卒謚曰桓侯

上書言匈奴事

中國虛費邊陲不寧其患專在匈奴曰戰去戰可也故君不可已怒而興師將不可已愠而合戰鼓之曰仁義爲國之寶矣

東宏後  
漢紀十

上言宜許南單于出兵

昔武帝單極天下欲臣虜匈奴未遇天時事遂無成宣帝之世會

呼韓來降故邊人獲安中外爲一生人休息六十餘年及王莽篡位變更其號耗擾不止單于乃畔光武受命復懷納之緣邊壞郡得已還復烏桓鮮卑咸脅歸義威鎮四夷其效如此今幸遭天授北虜分爭已夷伐夷國家之利宜可聽許

後漢南匈奴傳

### 兵事議

孝武時始事匈奴匈奴援引弓之類并左衽之屬故不可得而制也漢旣得河西四郡及居延朔方徙民已充之根據未堅匈奴猶出爲寇其後羌胡分離四郡堅固居延朔方不可傾拔虜遂失其肥饒畜兵之地惟有西域俄復內屬呼韓邪單于請款塞是故其勢易乘也今有南單于形勢相侂然西域尚未內屬北虜未有聲作臣愚已爲當先擊白山得伊吾破車師通使烏孫諸國已斷其右臂未可先擊匈奴也伊吾亦有匈奴南呼衍一部破此復爲折其左角觀往者漢兵出匈奴輒爲亂五單于爭來必不已五將出



之故也。今可先擊白山。曰：觀其變，擊匈奴未晚也。

袁宏後漢紀十

耿恭

恭字伯宗，弇第四弟。廣之子，秉從兄。永平末，爲劉張騎都尉司馬，拜戊校尉，屯金蒲城，爲匈奴所攻。會明帝崩，救不至，車師復叛，拒守踰年。建初初，迎歸，拜騎都尉，遷長水校尉。後，曰：征羌事忤馬防，徵下獄免。

上言鎮撫西羌事

故安豐侯竇融，昔在西州，甚得羌胡腹心。今大鴻臚固卽其子孫，前擊白山，功冠三軍。宜奉大使，鎮撫涼部，令車騎將軍防屯軍漢陽，曰：爲威重。

後漢耿弇附傳初恭出隴西上言

朱浮

浮字叔元，沛國蕭人。初從光武爲大司馬主簿，遷偏將軍，從破邯鄲，拜大將軍，幽州牧。建武二年，封武陽侯，爲彭寵所攻，逃歸。

拜執金吾徙封父城侯。遷太僕。二十年代竇融爲大司空。後坐事免。徙封新息侯。永平中賜死。

上疏乞援師

昔楚宋列國俱爲諸侯。莊王曰。宋執其使。遂有投使之師。魏公子顧朋友之要。觸冒強秦之鋒。夫楚魏非有分職匡正之大義也。莊王但爲爭強而發忿。公子曰一言而立信耳。今彭寵反叛。張豐逆節。曰爲陛下必棄捐它事。曰時滅之。旣歷時月。寂寞無音。從圍城而不救。放逆虜而不討。臣誠惑之。昔高祖聖武。天下旣定。猶身自征伐。未嘗寧居。陛下雖興大業。海內未集。而獨逸豫。不顧北垂百姓遑遑。無所繫心。三河冀州。曷足曰傳後哉。今秋稼已熟。復爲漁陽所掠。張豐狂悖。姦黨日增。連年拒守。吏士疲勞。甲冑生蟣蝨。已弩不得弛。上下焦心。相望救護。仰希陛下生活之恩。後漢朱浮傳

因日食上疏言牧守換易宜簡

臣聞日者眾陽之所宗君上之位也凡居官治民據郡典縣皆爲陽爲上爲尊爲長若陽上不明尊長不足則于動三光垂示王者五典紀國家之政鴻範別災異之文皆宣明天道曰微來事者也陛下哀愍海內新離禍毒保育生人使得蘇息而今牧人之吏多未稱職小違理實輒見斥罷豈不粲然黑白分明哉然曰堯舜之盛猶加三考大漢之興亦累功效吏皆積久養老于官至名子孫因爲姓氏當時吏職何能悉理論議之徒豈不誼譁蓋曰爲天地之功不可倉卒艱難之業當累日月而閒者守宰數見換易迎新相代疲勞道路尋其視事日淺未足昭見其職旣加嚴切人不自保各相顧望無自安之心有司或因睚眦曰騁私怨苟求長短求媚上意二千石及長吏迫于舉劾懼于刺譏故爭飾詐僞曰希虛譽斯皆羣陽騷動日月失行之應夫物暴長者必夭折功卒成者必亟壞如摧長久之業而造速成之功非陛下之福也天下非一

時之用也。海內非一旦之功也。願陛下遊意于經年之外，望化于一世之後。天下幸甚。

後漢朱浮傳

上疏言州牧劾奏宜下三府覆案

陛下清明履約，率禮無違。自宗室諸王、外家后親，皆奉遵繩墨，無黨勢之名。至或乘牛車，齊于編人。斯固法令整齊，下無作威者也。求之于事，宜已和平。而災異猶見者，而豈徒然？天道信誠，不可不察。竊見陛下疾往者，上威不行；下專國命，卽位已來，不用舊典，信刺舉之官，黜鼎輔之任。至于有所劾奏，便加免退，覆案不關三府。罪譴不蒙澄察。陛下已使者爲腹心，而使者已從事爲耳目。是爲尚書之平，決于百石之吏。故羣下苛刻，各自爲能，兼已私情，容長憎愛。在職皆競張空虛，已要時利。故有罪者心不厭服，無咎者坐被空文，不可經盛衰。胎後王也。夫事積久，則吏自重；吏安，則人自靜。傳曰：五年再閏，天道乃備。夫已天地之靈，猶五載已成其化。況

人道哉。臣浮愚慙，不勝惓惓，願陛下畱心千里之任，省察偏言之奏。後漢朱浮傳

上書請廣選博士

夫太學者，禮義之宮，教化所由興也。陛下尊敬先聖，垂意古典，宮室未飾，干戈未休，而先建太學，造立橫舍，比日車駕親臨，觀饗將召，弘時雍之化，顯勉進之功也。尋博士之官，爲天下宗師，使孔聖之言傳而不絕，舊事策試博士，必廣求詳選，爰自畿夏，延及四方，是召博舉明經，唯賢是登。學者精勵，遠近同慕，伏聞詔書更試五人，唯取見在洛陽城者。臣恐自今召往，將有所失，求之密邇，容或未盡，而四方之學，無所勸樂。凡試策之本，貴得其真，非有期會，不及遠方也。又諸所徵試，皆私自發遣，非有傷費，煩擾于事也。語曰：中國失禮，求之于野。臣浮幸得與講圖讖，故敢越職。後漢朱浮傳

上言織綬成

詔書曰百官皆帶王莽時綬又不齊因前袁安故綬工李涉等六家所織綬不能具丙丁文能如組狀募能爲丙丁文謹圖一綬丙丁制度賜縑五十四今王莽時六安都尉曹應募能爲丙丁文謹處武庫給食畱晝夜思念諷誦狂癡三十日病愈今又已成請賜縑五十四

御覽六百八十  
二引博物志

奏更乘輿綬

車府丞橫受詔乘輿綬五采何黃多也可更用赤絲爲地

初學記  
二十六

引漢名  
臣奏

與彭寵書

蓋聞知者順時而謀愚者逆理而動常竊悲京城太叔已不知足而無賢輔卒自棄于鄭也伯通已名字典郡有佐命之功臨人親職愛惜倉庫而浮秉征伐之任欲權時救急二者皆爲國耳卽疑浮相譖何不詣闕自陳而爲族滅之計乎朝廷之于伯通恩亦厚

矣。委曰：大郡任曰威武，事有柱石之寄，情同子孫之親。匹夫媵母，尚能致命一餐，豈有身帶三綬，職典大邦，而不顧恩義，生心外畔者乎？伯通與吏民語，何曰爲顏，行步拜起，何曰爲容，坐臥念之，何曰爲心，引鏡窺影，何曰施眉目，舉措建功，何曰爲人，惜乎！棄休令之嘉名，造鴟梟之逆謀，捐傳世之慶祚，招破敗之重災。高論堯舜之道，不忍桀紂之性，生爲世笑，死爲愚鬼，不亦哀乎？伯通與耿俠遊，俱起佐命，同被國恩，俠遊謙讓，屢有降挹之言，而伯通自伐，曰爲功高天下，往時遼東有豕生子白頭，異而獻之，行至河東，見羣豕皆白，懷慙而還。若曰子之功，論于朝廷，則爲遼東豕也。今乃愚妄自比六國，六國之時，其勢各盛，廓土數千里，勝兵將百萬，故能據國相持，多歷年世。今天下幾里，列郡幾城，奈何曰區區漁陽而結怨天子，此猶河濱之人捧土，曰塞孟津，多見其不知量也。方今天下適定，海內願安，士無賢不肖，皆樂立名于世，而伯通獨中風。

狂走自捐盛時內聽驕婦之失計外信讒邪之諛言長爲羣后惡法永爲功臣鑒戒豈不誤哉定海內者無私讐勿已前事自誤願畱意願老母幼弟凡舉事無爲親厚者所痛而爲見讐者所快

朱浮傳又見蘇文類聚二十五

子密

子密姓氏未詳爲彭寵蒼頭建武五年斬寵頭詣闕封不義侯

使彭寵作記告城門將軍

今遣子密等至子后蘭卿所速開門出勿稽畱之

後漢書彭寵傳寵與朱浮不相

能帝遣寵從弟子后蘭卿諭之寵畱子后蘭卿遂發兵反自立爲燕王齊獨在便室蒼頭子密等因寵臥縛著牀呼其妻解寵手令作記書成即斬寵頭置堂中持記馳出賊詣闕又見御覽五百引東觀漢記



賜進士出身一品銜廣東等處提刑按察使司按察使兼管驛傳事務黃岡王毓藻校刊

全後漢文卷二十二

烏程嚴

鄭興

興字少贛河南開封人更始初爲丞相長史拜諫議大夫奉使  
安集關西及朔方涼益二州還拜涼州刺史坐事免避亂隴西  
依隗囂建武六年東歸徵拜太中大夫監岑彭傳俊軍及公孫  
述死畱屯成都坐事左轉遼勾令免客閭鄉三公累辟不就  
說更始西都長安

陛下起自荆楚權政未施一朝建號而山西雄桀爭誅王莽開關  
郊迎者何也此天下同苦王氏虐政而思高祖之舊德也今久不  
撫之臣恐百姓離心盜賊復起矣春秋書齊小白入齊不稱侯未  
朝廟故也今議者欲先定赤眉而後入關是不識其本而爭其末  
恐國家之守轉在函谷雖臥洛陽庸得安枕乎

後漢鄭興傳

說隗囂不稱王

春秋傳云口不道忠信之言爲嚚耳不聽五聲之和爲聾聞者諸將集會無乃不道忠信之言大將軍之聽無乃阿而不察乎昔文王承積德之緒加之曰睿聖三分天下尚服事殷及武王卽位八百諸侯不謀同會皆曰紂可伐矣武王曰未知天命還兵待時高祖征伐累年猶曰沛公行師今令德雖明世無宗周之祚威略雖振未有高祖之功而欲舉未可之事昭速禍患無乃不可乎惟將軍察之

後漢鄭興傳

日食上疏

春秋曰天反時爲災地反物爲妖人反德爲亂亂則妖災生往年呂來譴咎連見意者執事頗有關焉案春秋昭公十七年夏六月甲戌朔日有食之傳曰日過分而未至三辰有災于是官降物君不舉避移時樂用鼓祝用幣吏用辭今孟夏純乾用事陰氣未作

其災尤重。夫國無善政，則謫見日月，變咎之來，不可不慎。其要在  
因人之心，擇人處位也。堯知鯀不可用而用之者，屈己之明，因人  
之心也。齊桓反政而相管仲，晉文歸國而任郅穀者，是不私其私，  
擇人處位也。今公卿大夫多舉漁陽太守郭伋可大司空者，而不  
曰時定道路流言，咸曰朝廷欲用功臣，功臣用則人位謬矣。願陛  
下上師唐虞，下覽齊晉，曰成屈己從眾之德，曰濟羣臣讓善之功。  
夫日月交會，數應在朔，而頃年日食每多在晦，先時而合，皆月行  
疾也。曰君象而月臣象，君亢急則臣下促迫，故行疾也。今年正月  
繁霜自爾已來，率多寒日，此亦急咎之罰。天子賢聖之君，猶慈父  
之于孝子也。丁寔申戒，欲其反政，故災變仍見，此乃國之福也。今  
陛下高明而羣臣惶促，宜畱思柔剋之政，垂意洪範之法，博採廣  
謀，納羣下之策。

後漢鄭興傳

臣聞國無政，不用善，則取謫于日月之災，故政不可不慎也。其道

務三而已。一曰擇人，二曰因民，三曰從時。此應變之要也。皆在帝  
堯。洪水滔天，帝求俾乂。嶽曰：「絲哉！」帝知絲不可，然猶屈己之是，從  
嶽之非，重違眾也。昔齊桓公避亂于莒，鮑叔從焉。既反國，鮑叔舉  
管仲，桓公從之，遂立九合之功。晉文公奔翟，從者五人，既得晉國，  
將謀元帥，趙衰曰：「郤穀爲閭，禮樂敦詩書，使將中軍，而五子下之，  
故能伏疆楚于城濮，納天子于王城。今袞職有闕，朝論輒議功臣，  
功臣用，則鮑趙之舉息矣。願陛下上師陶唐，下覽齊晉，已成屈己，  
從眾之德。」呂濟羣臣舉善之美，臣聞上竭聰明，則下懼其罪，故曰  
「者君象也。」月者臣象也。君威亢急，則臣道迫促。願陛下留神寬恕，  
已崇柔克之德。袁宏後漢紀六 案此與本傳各有刪節

鄭眾

眾字仲師，興子。永平初，辟司空府。呂明經給事中，遷越騎司馬。  
已辭使匈奴，繫廷尉，會赦召爲軍司馬，拜護西域中郎將，遷武

威太守歷左馮翊建初六年代鄧彪爲大司農八年卒官有春秋左氏傳條例九卷孝經注二卷

上疏請爵耿恭

耿恭曰單兵固守孤城當匈奴之衝對數萬之眾連月踰年心力困盡鑿山爲井糒弩爲糧出于萬死無一生之望前後殺傷醜虜數千百計卒全忠勇不爲大漢恥恭之節義古今未有宜蒙顯爵曰厲將帥後漢耿恭傳

上疏諫遣使報單于

臣伏料北單于所欲致漢使者欲曰離南單于令西域諸國耳故汲汲曰致漢使使既到偃蹇自若臣愚曰爲于今宜且勿答南單于本來歸義者望呼韓邪之助故歸心不二烏桓慕化并力保藩今聞北單于不屈漢復通使不止恐南單于必懷疑而烏桓亦有二心單于久居漢地具知形勢萬分離析規爲邊害其憂不輕今

幸有渡遼之眾揚威北垂雖勿答不敢爲害

袁宏後漢紀十

臣伏聞北單于所曰要致漢使者欲曰離南單于之眾堅三十六國之心也又當揚漢和親誇示鄰敵令西域欲歸化者局足狐疑懷土之人絕望中國耳漢使既到便偃蹇自信若復遣之虜必自謂得謀其羣臣駁議者不敢復言如是南庭動搖烏桓有離心矣南單于久居漢地具知形勢萬分離析旋爲邊害今幸有度遼之眾揚威北垂雖勿報答不敢爲患

後漢鄭興附傳

上言辭使匈奴

臣前奉使不爲匈奴拜單于恚恨故遣兵圍臣今復銜命必見陵折臣誠不忍持大漢節對羶裘獨拜如令匈奴遂能服臣將有損

大漢之疆

後漢鄭眾傳又見袁宏後漢紀九有小異

婚禮

案晉書禮志下米書禮志一並云古者冠婚皆有三首其存此卽三首之一

後漢鄭眾百官六禮辭大略同于周制而納采女家答辭末云

奉酒肉若干，再拜反命。其所稱前人不云。吾子皆云。君六禮文皆封之。先已紙封表。又加已阜囊著篋中。又已阜衣篋表。訖已大囊表之。題檢文言。謁表某君門下。其禮物凡三十種。各有謁文。外有贊文各一首。封如禮文。篋表訖。蠟封。題用阜帔。蓋于箱中。無囊表。便題檢文言。謁篋某君門下。便書贊文。通共在檢上。

通典五十八

案此約文

禮物案曰。玄纁羊雁清酒白酒粳米稷米蒲葦卷柏嘉禾長命纁膠漆五色絲合歡鈴九子墨金錢祿得香草鳳皇舍利獸鴛鴦受福獸魚鹿烏九子婦陽燧總言物之所象者。玄象天。纁法地。羊者祥也。羣而不黨。雁則隨陽。清酒降福。白酒歡之。由粳米養食。稷米案盛。蒲葦多性柔。葦柔之久。卷柏屈卷附生。嘉禾須祿。長命纁縫衣延壽。膠能合異類。漆內外光好。五色絲章采。屈伸不窮。合歡鈴音聲和諧。九子墨長生子孫。金錢和明不止。祿



得香草爲吉祥。鳳凰雌雄伉合，儷舍利獸，廉而謙，鴛鴦飛止，須匹鳴則相和，受福獸體恭心慈，魚處淵無射，鹿者祿也，烏知反哺，孝于父母，九子婦有四德，陽燧成明，安身又有丹爲五色之榮，青爲色首，東方始通典五十八，王彪之上書引鄭氏婚物贊曰：羊者祥也，蓋禮物三十種，各有闕有贊，各題在檢上。

### 婚禮謁文

納采始相與言語，采擇可否之時，問名謂問女名，將歸卜之也，納言謂歸卜吉往告之也，納徵用束帛徵成也，請期請吉日，將迎親謂成禮也。載文類聚四十

### 婚禮謁文贊

雁候陰陽，待時乃舉，冬南夏北，貴有所載文類聚九十一

秔米馥芬，婚禮之珍。載文類聚八十五

稷爲天官。御覽八百四十

卷柏藥草附生山顛屈卷成性終無自伸御覽九百八十九

嘉禾爲穀班祿是宜吐秀五七乃名爲嘉初學記二十七

長命之縑女工所爲御覽八百二十

九子之墨藏于松煙本性長生子孫圖邊初學記二百二十一御覽六百二十二

金錢爲質所歷長久金取和明錢用不止御覽八百三十六

舍利爲獸廉而能謙禮義乃食口無譏譽御覽九百十三

鴛鴦雌雄相類飛止相匹藝文類聚九十二

女貞之樹柯葉冬生寒涼守節險不能傾藝文類聚八十九案通典所載禮物三十種

自玄纁至陽纁僅二十九種而無女貞豈此一種邪抑女貞即九子婦邪當改

趙熹

熹字伯陽南陽宛人更始初徵爲郎中行偏將軍事呂破王尋

王邑功拜中郎將封勇功侯建武初拜簡陽侯相遷平原太守

後徵爲太僕拜太尉賜爵關內侯明帝初封節鄉侯尋坐事免

起爲衛尉行太尉事章帝初進太傅錄尚書事建初五年卒年八十四

上言宜封禪

自古帝王每世之隆未嘗不封禪陛下聖德洋溢順天行誅撥亂中興作民父母修復宗廟救萬性命黎庶賴福海內清平功成治定羣司禮官咸曰爲宜登封告成爲民報德百王所同當仁不讓宜登封岱宗正三雍之禮曰明靈契望秩羣神曰承天心也

志上注補引東觀漢書太尉趙熹上言

奏上明帝尊號

禮祖有功宗有德孝明皇帝功德茂盛宜上尊號曰顯宗四時祫食于世祖廟如孝文皇帝在高廟之禮奏武德文始五行之舞

祭禮志下注補引東觀漢書章帝初卽位太尉熹等奏

梁統

統字仲寧，安定烏氏人。初仕州郡，更始時召補中郎將，使安集涼州，拜酒泉太守。後爲武威太守，建武五年，與竇融遣使歸誠，加宣德將軍，及隗囂敗，封成義侯。隴蜀平，入朝，曰：「列侯奉朝請，更封高山侯。」拜太中大夫，後出爲九江太守，定封陵鄉侯。

### 刑罰務中疏

臣竊見元帝初元五年，輕殊刑三十四事；哀帝建平元年，盡四年，輕誅死者刑八十一事；其四十二事，手殺人者皆減死罪一等，著爲常法。自是以後，人輕犯法，吏易殺人，吏民俱失。至于不羈，臣愚曰：爲刑罰不苟，務輕務其中也。君人之道，仁義爲主，仁者愛人，義者政理，愛人曰除殘，爲務政理曰去亂，爲心是曰五帝有流殛放殺之誅，三王有大辟刻肌之刑，所曰爲除殘去亂也。故孔子稱「仁者必有勇」，又曰「理財正辭，禁民爲非曰義」。高帝受命誅暴，平蕩天下，制約令，定法律，傳之後世，誠得其宜，可常施行。文帝寬惠溫克，

遭世康平。因時施恩。省去肉刑。除相坐之法。他皆率由舊章。天下  
幾致升平。武帝值中國隆盛。財力有餘。出兵命將。征伐遠方。軍役  
數興。百姓罷弊。豪傑犯禁。姦吏弄法。故設首匿之科。著知從之律。  
曰破朋黨。曰懲隱匿。宣帝聰明正直。履道握要。曰總御海內。臣下  
奉憲不失繩墨。因循先典。天下稱理。元帝法律少所改更。天下稱  
安。至孝成。孝哀承平繼體。卽位日淺。聽斷尚寡。丞相王嘉等。輕爲  
穿鑿。猥曰數年之間。虧除先帝舊約。成律凡百有餘事。或不便于  
理。或不厭民心。臣謹表取其尤防政體害善良者。傳奏如左。伏惟  
陛下苞五常。履九德。權時撥亂。功逾文武。德侔高皇。誠宜博施濟  
時。而反因循季世之末節。衰微之軌迹。誠非所曰還初反本。據元  
更始也。願陛下回神明察。考量得失。宣詔有司。悉舉初元建平之  
所穿鑿。考其輕重。察其化俗。足曰知政教所處。擇其善者而從之。  
其不善者而改之。定不易之典。施無窮之法。天下幸甚。

後漢梁統傳首書州

法志通典一百六十三又  
袁宏後漢紀六與此小異

復上言

有司已臣今所言不可施行尋臣之所奏非曰嚴刑竊謂高帝已  
後至平孝宣其所施行多合經傳宜比方今事驗之往古聿遵前  
典事無難改不勝至願願得召見若對尚書近臣口陳其狀

傳又見晉  
書刑法志

對尚書問狀

聞聖帝明王制立刑罰故雖堯舜之盛猶誅四凶經曰天討有罪  
五刑五庸哉又曰爰制百姓于刑之衷孔子曰刑罰不衷則人無  
所厝手足衷之爲言不輕不重之謂也春秋之誅不避親戚所已  
防患救亂坐安眾庶豈無仁愛之恩貴絕殘賊之路也自高祖之  
興至于孝宣君明臣忠謀謨深博猶因循舊章不輕改革海內稱  
理斷獄益少至初元建平所減刑罰百有餘條而盜賊浸多歲已

萬數間者三輔從橫羣輩竝起至燔燒茂陵火見未央其後隴西北地西河之賊越州度郡萬里交結攻取庫兵劫略吏人詔書討捕連年不獲是時已天下無難百姓安平而狂狹之勢猶至于此皆刊罰不衷愚人易犯之所致也由此觀之則刊輕之作反生大患惠加姦軌而害及良善也故臣統願陛下采擇賢臣孔光師丹等議後漢梁統傳議上遂寢不報

與杜林書

君非隗囂不降志辱身至簪蒿席草不食其粟

文選任昉劉先生夫人墓誌注引東

記漢

梁松

松字伯孫統子少爲郎尚光武女舞陰長公主襲封陵鄉侯再遷虎賁中郎將永平初遷太僕坐罪免尋下獄死上疏爭封后

登封之禮告功皇天垂後無窮。已爲萬民也。承天之敬。尤宜章明。奉圖書之瑞。尤宜顯著。今因舊封。竄寄玉牒。故石下恐非重命之義。受命中興。宜當特異。已明天意。續漢祭祀志上上已用石功雖石空檢更加封而已。松上疏爭之。曰爲云云。又見通典五十四。欲及二月封。故詔松欲固故封。

### 祭泰山議

記曰。齊將有事泰山。先有事配林。蓋諸侯之禮也。河嶽視公侯王者祭焉。宜無卽事之漸。不祭配林。續漢祭祀志上

### 梁竦

竦字叔敬。松弟。坐松事。徙九真。後聽還本郡。章帝納其女爲貴人。生和帝。建初八年。爲竇氏所陷。死獄中。永元九年。事白。追封褒親侯。諡曰愍侯。

### 悼騷賦

彼仲尼之佐魯兮。先嚴斷而後弘。衍雖離讒。已鳴邑兮。卒暴誅于



兩觀殷伊周之協德兮，暨太甲而俱盛。豈齊量其幾微兮，徒信已  
呂榮名。雖吞刀已奉命令，拭目眦于門閭。吳荒萌其已殖兮，可信  
顏于王廬。圖往鏡來兮，闕北在篇。君名既泯沒兮，後辟亦然。屈平  
濯德兮，繫顯芬香。句踐罪種兮，越嗣不長。重耳忽推兮，六卿卒強。  
趙隕鳴犢兮，秦人入疆。樂毅奔趙兮，燕亦是喪。武安賜命兮，昭已  
不王。蒙宗不幸兮，長平顛荒。范父乞身兮，楚項不昌。何爾生不先  
後兮，惟洪勳已遐邁。服荔裳如朱紱兮，騁鸞路于梅瀨。歷蒼梧之  
崇丘兮，宗虞氏之俊乂。臨眾瀆之神林兮，東敕職于蓬碣。祖聖道  
而垂典兮，褒忠孝已爲珍。既匡救而不得兮，必殞命而後仁。惟賈  
傅其違指兮，何楊生之欺道。彼皇麟之高舉兮，熙太清之悠悠。臨  
岷川已愴恨兮，指丹海已爲期。後漢梁竦傳  
注引東觀記

梁履

扈松子永元中爲黃門侍郎歷位卿校尉永初中爲長樂少府

遣從兄禮奏記三府

春秋之義母曰子貴漢家舊典崇貴母氏今梁貴人親育聖躬而

不蒙尊號求得申議

袁宏後漢紀十  
四後漢梁松傳

梁商

商字伯夏竦孫少已外戚拜郎中遷黃門侍郎永建初襲父雍

爵乘氏侯遷侍中屯騎校尉陽嘉初已后父加位特進拜執金

吾尋拜大將軍永和六年卒諡曰忠侯

招降匈奴表

匈奴寇畔自知罪極窮鳥困獸皆知救死況種類繁熾不可單盡

今轉運日增三軍疲苦虛內給外非中國之利竊見度遼將軍馬

續素有謀謨且典邊日久深曉兵要每得續書與臣策合宜令續

深溝高壁已恩信招降宣示購賞明其期約如此則醜類可服國

家無事矣

後漢南  
匈奴傳

上書辭增國土

陽嘉元年

祿命過厚受祖考多福又託日月末光已斗筭之材乘君子之器懼有負乘之累不守歷世之榮誠不如舊制與左賢同科

袁宏後漢紀十

八陽嘉

元年

上書讓屯騎校尉

永和三年

臣託椒房被蒙榮寵兼官二職非材可堪受寵戰慄驚懼惶威不遑監處披露赤誠敢遂狂狷謹上屯騎校尉印綬

袁宏後漢紀十八

上書辭少子不疑爲步兵校尉

永和四年

不疑童孺猥處成人之位是已寢不安席食不甘味昔者晏平仲辭郕殿已守其富公儀休不愛魚食已定其位臣雖不才亦願固福祿于聖世故敢布腹心觸罪歸誠

袁宏後漢紀十九

上書

猥復起超徇德

文選應璩與曹長思書注引東觀漢記

止逮捕張達獄疏

永和四年袁宏紀作表

春秋之義功在元帥罪止首惡故賞不僭溢刑不淫濫五帝三王所已同致康乂也竊聞考故中常侍張達等辭語多所牽及大獄一起無辜者眾死囚久繫纖微成大非所已順迎和氣平政成化也宜早訖竟已止逮捕之煩

後漢梁商傳又略見袁宏後漢紀十九

移書馬續等

中國安寧忘戰日久良騎野合交鋒接矢決勝當時戎狄之所長而中國之所短也疆弩乘城堅營固守已待其衰中國之所長而戎狄之所短也宜務先所長已觀其變設購開賞宣示反悔勿貪小功已亂大謀

後漢南匈奴傳

病篤救子冀等

吾已不德享受多福生無已輔益朝廷死必耗費帑藏衣食飯噲玉匣珠貝之屬何益朽骨百僚勞擾紛華道路祇增塵垢雖云禮

制亦有權時

袁宏紀作但增應垢我生平所不

方今邊境不寧盜

賊未息

袁宏紀此下有聖人之制亦有權時之宜

豈宜重爲國損氣絕之後載至冢舍卽

時殯斂

斂曰時服皆曰故衣無更裁制殯已開冢冢開卽葬祭食

如存無用三牲孝子善述父志不宜違我言也

後漢梁商傳又見

篇未作上無損于國下從吾本意孝子善述人之志忠臣每事依先公必從吾言使魂神有知無恨于黃泉

梁冀

冀字伯卓商子初爲黃門侍郎轉侍中虎賁中郎將越騎步兵

校尉執金吾永和初拜河南尹六年襲封乘氏侯拜大將軍及

順帝崩擅權歷冲帝質帝尋行弒立事延熹二年收徙封比景

鄉侯自殺

上書讓步兵校尉

列校之職上應天工下厭羣望實非愚臣所宜

北堂書鈔六十

報朱穆書

如此僕亦無一可邪

後漢書  
朱穆傳

賜進士出身三品銜廣東等處提刑按察使司按察使兼管屬傳事務廣西王毓藻校刊

全後漢文卷二十二終

全後漢文卷二十三

烏程嚴可均校輯

田邑

邑字伯玉馮翊蓮勺人更始時爲上黨太守建武初遣使歸誠  
卽拜上黨太守後爲漁陽太守未到官道病徵還爲諫議大夫  
病卒

報馮衍書

僕雖驚怯亦欲爲人者也豈苟貪生而畏死哉曲戟在頸不易其  
心誠僕志也聞者老母諸弟見執于軍而邑安然不顧者豈非重  
其節乎若使人居天地壽如金石要長生而避死可也今百齡之  
期未有能至老壯之間相去幾何誠使故朝尚在忠義可立雖老  
親受戮妻兒橫分邑之願也聞者上黨黠賊大眾圍城義兵兩輩  
入據井陘邑親潰敵圍拒擊宗正自試智勇非不能當誠知故朝

爲兵所害。新帝司徒已定三輔。隴西北地從風響應。其事昭昭。日月經天。河海帶地。不足已比。死生有命。富貴在天。天下存亡。誠云命也。邑雖沒身。能如命何。夫人道之本。有恩有義。義有所宜。恩有所施。君臣大義。母子至恩。今故主已亡。義其誰爲。老母拘執。恩所當留。而厲已貪權。誘已策馬。抑其利心。必其不顧。何其愚乎。邑年三十。歷位卿士。性少嗜慾。情厭事爲。況今位尊身危。財多命殆。鄙人知之。何疑君子。君長敬通。揭節垂組。自相署立。蓋仲由使門人爲臣。而孔子譏其欺天。君長據位兩州。加已一郡。而河東畔國。兵不入彘。上黨見圍。不窺太谷。宗正臨境。莫之能援。兵威屈辱。國權日損。三王背畔。赤眉害主。未見兼行倍道之赴。昔墨翟累繭救宋。申包胥重胝存楚。衛女馳歸。唁兄之志。主亡一歲。莫知定所。虛冀妄言。苟肆鄙塞。未能事生。安能事死。未知爲臣焉。知爲主。豈厭爲臣子。思爲君父乎。欲搖泰山而蕩北海。事敗身危。要思邑言。後漢書



傳

勸鮑永書

愚聞丈夫不釋故而改圖哲士不徼幸而出危今君長故主敗不能死新帝立不肯降擁眾而據壁欲襲六國之從與邑同事一朝內爲刎頸之盟興兵背畔攻取涇城破君長之國壞父母之鄉首難結怨輕弄凶器人心難知何意君長當爲此計昔者韓信將兵無敵天下功不世出略不再見威執項羽名出高帝不知天時就烹于漢知伯分國既有三晉欲大無已身死地分頭爲飲器君長銜命出征擁帶徒士上黨阨不能救河東畔不能取朝有顛沛之憂國有分崩之禍上無仇牧之節下無不占之志天之所壞人不能支君長將兵不與韓信同日而論威行得眾不及智伯萬分之半不見天時不知厭足欲明人臣之義當先知故主之末然欲貪天下之利宜及新主之末爲今故主已敗新主旣成四海爲羅網

天下爲敵人舉足遇害動搖觸患履深淵之薄冰不爲嘵涉干鈞之發機不知懼何如其知也絕鮑氏之姓廢子都之業誦堯之言服桀之行悲夫命也張舒內行邪孽不遵孝友疏其父族外附妻黨已收三族將行其法能逃不自詣者舒也能夷舒宗者子也

馮衍傳注  
引東觀記

王元

元字惠孟杜陵人一云長陵人隗囂起兵自爲大將軍囂死擁立隗純純降仕公孫述爲將軍建武十一年來降拜上蔡令遷東平相坐墾田不實下獄死

說隗囂

昔更始西都四方響應天下喁喁謂之太平一旦敗壞大王幾無所厝今南有子陽北有文伯江湖海岱王公十數而欲牽儒生之說棄千乘之基羈旌危國自求萬全此循覆車之軌計之不可者

也。今天水完富，士馬最彊。北收西河上郡，東收三輔之地。案秦舊迹，表裏山河。元請呂一九泥，爲大王東封函谷關。此萬世一時也。若計不及此，且畜養士馬，據隘自守，曠日持久，已待四方之變。圖王不成，其弊猶足。已霸要之魚，不可脫于淵。神龍失勢，卽還與蛇蜥同。

後漢隗囂傳又見袁宏後漢紀已前半篇爲後半其文亦小異

王遵

遵字子春，霸陵人。隗囂起兵，已爲明威將軍。進大將軍，建武七

年來歸拜太中大夫，封向義侯。

隗囂傳注引續漢書作上雅侯袁宏紀同

明年持節

監吳漢軍。

案後漢光武紀建武六年有樂浪太守王遵皆非卽此漢紀十一建初元年有敦煌太守王遵皆非卽此

諫隗囂謀殺來歙。

愚聞爲國者慎器與名，爲家者畏怨重禍。俱慎名器，則下服其命。輕用怨禍，則家受其殃。今將軍遣子質漢，內懷它志，名器逆矣。外人有議欲謀漢使，輕怨禍矣。古者列國兵交，使在其閒，所已重兵。

貴和而不任戰也。春秋傳曰：交兵通使可也。何況承王命，藉重質而犯之哉？上不合于正義，內不周于長利，苟行盜賊之短策，又何是非之能識？加呂伯春委身已在闕庭，而屠漢使，此踐機試劍，授刃于頸也。君叔雖單車遠使，而陛下之外兄也，害之無損于漢，而隨呂族滅。昔宋執楚使，遂有析骸易子之禍。小國猶不可辱，況千萬乘之主，重呂伯春之命哉？袁宏後漢紀五 後漢來敘傳

喻牛邯書

邈與隗王歆盟爲漢，自經歷虎口，踐履死地，已十數矣。于時周洛已西，無所統壹，故爲王策欲東收關中，北取上郡，進呂奉天人之用，退呂懲外夷之亂。數年之間，冀聖漢復存，當挈河隴，奉舊都，已歸本朝。生民已來，臣人之勢，未有便于此時者也。而王之將吏羣居冗處之徒，人人抵掌欲爲不善之計，邈與孺卿日夜所爭，害幾及身者，豈一事哉？前計抑絕，後策不從，所呂吟嘯扼腕，垂涕登車。

幸蒙封拜得延論議每及西州之事未嘗敢忘孺卿之言今車駕  
大眾已在道路吳耿驍將雲集四境而孺卿已奔離之卒拒要阨  
當軍衝視其形勢何如哉夫智者觀危思變賢者泥而不滓是已  
功名終申策畫復得故吏吾束縛而相齊黥布杖劍已歸漢去愚  
就義功名竝著今孺卿當成敗之際遇嚴兵之鋒可爲怖慄宜斷  
之心胸參之有識

後漢隗  
囂傳

班彪

彪字叔皮扶風安陵人初依隗囂去依竇融爲大將軍從事及  
隴蜀平隨融入洛舉司隸茂才除徐令已病免公府累辟輒去  
後辟司徒王況府察廉除望都長建武三十年卒官有集五卷

覽海賦

余有事于淮浦覽滄海之茫茫悟仲尼之乘桴聊從容而遂行馳  
鴻瀨已漂驚翼飛風而迴翔顧百川之分流煥爛燦已成章風波

薄其衷。觀邈浩浩。曰湯湯。指日月。曰爲表。索方瀛。與壺梁。曜金瑇。  
曰爲闕。次玉石。而爲堂。冀芝列于階路。涌醴漸于中唐。朱紫彩爛。  
明珠夜光。松喬坐于東序。王母處于西箱。命韓眾與岐伯。講神篇。  
而校靈章。願結旅而自託。因離世而高遊。騁飛龍之駿駕。歷八極。  
而迴周。遂竦節而響應。勿輕舉。曰神浮。遵霓霧之掩蕩。登雲塗。曰。  
凌厲。乘虛風而體景。超太清。曰增逝。麾天關。曰啟路。闢閭闔而望。  
余。通王謁于紫宮。拜太一而受符。藝文類聚八

北征賦

余遭世之顛覆兮。罹填塞之阨災。舊室滅。曰丘墟兮。曾不得乎少。  
留。遂奮袂。曰北征兮。超絕迹而遠遊。朝發軔于長都兮。夕宿瓠谷。  
之玄宮。歷雲門而反顧。望通天之崇崇。乘陵崗。曰登降。息仰邪之。  
邑鄉。慕公劉之遺德。及行輩之不傷。彼何生之優渥。我獨罹此百。  
殃。故時會之變化兮。非天命之靡常。登赤須之長坂。入義渠之舊。

城念戎王之淫狡穢宣后之失貞嘉秦昭之討賊赫斯怒曰北征  
紛吾去此舊都兮騑遲遲曰歷茲遂舒節曰遠逝兮指安定曰爲  
期涉長路之絲絲兮遠紆回曰穆旒過泥陽而太息兮悲祖廟之  
不脩釋余馬于彭陽兮且弭節而自思曰晻晻其將暮兮觀牛羊  
之下來寤曠怨之傷情兮哀詩人之歎時越安定曰容與兮遵長  
城之漫漫劇蒙公之疲民兮爲强秦乎築怨舍高亥之切憂兮事  
蠻狄之遘患不耀德曰綏遠兮顧厚固而繕藩首身分而不寤兮猶  
數功而辭讐何夫子之妄說兮孰云地脈而生殘登鄣隄而遙望  
兮聊須臾曰婆娑閑獮鷺之猾夏兮弔尉卬于朝那從聖文之克  
讓兮不勞師而幣加惠父兄于南越兮黜帝號于尉佗降几杖于  
藩國兮折吳淠之逆邪惟太宗之蕩蕩兮豈曩秦之所圖隰高平  
而周覽望山谷之嵯峨野蕭條曰莽蕩迴千里而無家風焱發曰  
漂遙兮谷水灌曰揚波飛雲霧之杳杳涉積雪之皚皚雁邕邕曰

羣翔兮。鷗鷺鳴已。濟濟遊子。悲其故鄉。心愴恨已。傷懷撫長劍而  
慨息。泣漣落而霑衣。攬余涕已於邑。今哀生民之多故。夫何陰瞋  
之不陽兮。嗟久失其平度。諒時運之所爲兮。永伊鬱其誰想。亂曰。  
夫子固窮。遊藝文兮。樂已忘憂。惟聖賢兮。達人從事。有儀則兮。行  
止屈申。與時息兮。君子履信。無不居兮。雖之蠻貊。何憂懼兮。  
文選  
類聚二  
十七

冀州賦

水經蕩水注載文類  
聚二十八作遊居賦

夫何事于冀州。聊託公已。遊居歷九土而觀風。亦愆人之所虞。遂  
發軔于京洛。臨孟津而北厲。想尚甫之威虞。號蒼兕而明誓。旣中  
流而歎息。美周武之知性。謀人神已。動作享烏魚之瑞命。瞻淇澳  
之園林。善綠竹之猗猗。望常山之峩峩。登北嶽而高遊。嘉孝武之  
乾乾。親飾躬于伯姬。建封禪于岱宗。瘞玄玉于此丘。徧五嶽與四  
瀋。觀滄海已周流。鄙臣恨不及事。陪後乘之下僚。今匹馬之獨征。



豈斯樂之足娛且休精于傲邑聊卒歲已須臾

藝文類聚六又二十八初學記八

漱余馬乎洹泉嗟西伯于鼎城

續漢郡國志一注

感皇藻已進樂分

文選顏延之秋胡詩注

遇蕩陰而弔晉鄙責公子之不臣

水經蕩水注

悼離騷

夫華植之有零茂故陰陽之度也聖哲之有窮達亦命之故也惟

達人進止得時行已遂伸否則詘而圯蟻體龍蛇已幽潛

藝文類聚五十八

八

復護羌校尉疏

今涼州部皆有降羌羌胡被髮左衽而與漢人雜處習俗既異言語不通數爲小吏黠人所見侵奪窮恚無聊故致反叛夫蠻夷寇亂皆爲此也舊制益州部置蠻夷騎都尉幽州部置領烏桓校尉涼州部置護羌校尉皆持節領護理其怨結歲時循行問所疾苦

又數遣使譯通動靜使塞外羌夷爲吏耳目州郡因此可得做備

今宜復如舊曰明威防

後漢西羌傳

上言宜復置烏桓校尉

烏桓天性輕黠好爲寇賊若久放縱而無總領者必復侵掠居人

但委主降掾史恐非所能制臣愚曰爲宜復置烏桓校尉誠有益

于附集省國家之邊慮

後漢烏桓傳

上言選置東宮及諸王國官屬

孔子稱性相近習相遠也賈誼曰爲習與善人居不能無爲善猶

生長于齊不能無齊言也習與惡人居不能無惡猶生長于楚不

能無楚言也是曰聖人審所與居而戒慎所習昔成王之爲孺子

出則周公召公太史佚人則太顛閎夭南宮括散宜生左右前後

禮無違者故成王一日卽位天下曠然太平是曰春秋愛子教曰

義方不納于邪驕奢淫佚所自邪也詩云胎厥孫謀曰宴翼子言

武王之謀遺子孫也。漢興太宗使鼂錯導太子曰法術賈誼敘梁  
王曰詩書。及至中宗亦令劉向王褒蕭望之周堪之徒曰文章儒  
學保訓東宮。曰下莫不崇簡其人。就成德器。今皇太子諸王雖結  
髮學問修習禮樂而傅相未置賢才官屬多闕舊典宜博選名儒  
有威重明通政事者。曰爲太子太傅東宮及諸王國備置官屬。又  
舊制太子食湯沐十縣設周衛交戟五日一朝因坐東箱省視膳  
食其非朝日使僕中允旦旦請問而已。明不媒黷廣其敬也。後漢班彪傳

奏事

臣聞師曰太學明堂辟雍者禮樂之府詩書之林。北堂書鈔八十  
三引班彪奏

上事

賜竽瑟箏篴

書鈔十九

元狩六年罷太尉置司馬時議曰北軍中候有千人司馬故加之

大司馬所已別大小司馬之號

御覽二  
百九

可選師傅將相子孫有口行好學者已備縫衣舍人

御覽六  
百九十

官吏二千石布襦羊裘已白木杯飲食飾虛欲已求名于譽

御覽  
七百

五十  
九

吏民葬埋有馬被毛鬣角蹄玫瑰宜皆已法禁之

御覽八  
百九

奏議答北匈奴

臣聞孝宣皇帝敕邊守尉曰匈奴大國多變詐交接得其情則却敵折衝應對入其數則反爲輕欺今北匈奴見南單于來附懼謀其國故數乞和親又遠驅牛馬與漢合市重遣名王多所貢獻斯皆外示富強已相欺誕也臣見其獻益重知其國益虛歸親愈數爲懼愈多然今既未獲助南則亦不宜絕北羈縻之義禮無不答謂可頗加賞賜略與所獻相當明加曉告已前世呼韓邪郅支行事報答之辭今必有適今立藁草并上曰單于不忘漢恩追念先

祖舊約欲修和親。曰輔身安國計。議甚高。爲單于嘉之。往者匈奴  
數有乖亂。呼韓邪郅支自相讎隙。竝蒙孝宣皇帝垂恩救護。故各  
遣侍子。稱藩保塞。其後郅支忿戾。自絕皇澤。而呼韓附親。忠孝彌  
著。及漢滅郅支。遂保國傳嗣。子孫相繼。今南單于攜眾向南。款塞  
歸命。自曰呼韓嫡長。次第當立。而侵奪失職。猜疑相背。數請兵將  
歸埽北庭。策謀紛紜。無所不至。惟念斯言。不可獨聽。又曰北單于  
比年貢獻。欲修和親。故拒而未許。將曰成單于忠孝之義。漢秉威  
信。總率萬國。日月所照。皆爲臣妾。殊俗百蠻。義無親疏。服順者賚  
賞。畔逆者誅罰。善惡之效。呼韓郅支是也。今單于欲修和親。款誠  
已達。何嫌而欲率西域諸國。俱來獻見。西域國屬匈奴。與屬漢何  
異。單于數連兵亂國。內虛耗。貢物裁曰通禮。何必獻馬裘。今齎雜  
繒五百匹。弓韃纈九一。矢四發。遣遺單于。又賜獻馬左骨都侯右  
谷蠡王雜繒各四百匹。斬馬劒各一。單于前言先帝時所賜呼韓

邪竿瑟空侯皆敗願復裁賜念單于國尚未安方厲武節呂戰攻  
爲務等瑟之用不如良弓利劍故未呂齋朕不愛小物于單于便  
宜所欲遣驛呂聞後漢南匈奴傳建武二十八年北匈奴復遣使  
詣闕更乞和親帝下三府議酬答之宜司徒掾

班彪  
奏

與京兆丞郭季通書

劉孟公藏器于身用心篤固實瑚璉之器宗廟之寶也

後漢蘇竟  
傳注引三

錄注

與金昭卿書

遠在東垂吏道迫促

文選張華答  
何劭詩注

王命論

昔在帝堯之禪曰咨爾舜天之厯數在爾躬舜亦曰命禹泉于稷  
契咸佐唐虞光濟四海奕世載德至于湯武而有天下雖其遭遇  
異時禪代不同至于應天順民其揆一也是故劉氏承堯之祚氏

族之世著乎春秋。唐據火德而漢紹之。始起沛澤。則神母夜號。已章赤帝之符。由是言之。帝王之祚。必有明聖顯懿之德。豐功厚利。積業之業。然後精誠通于神明。流澤加于生民。故能爲鬼神所福。饗天下所歸往。未見運世無本。功德不紀。而得崛起在此位者也。世俗見高祖興于布衣。不達其故。曰爲適遭暴亂。得奮其劍。游說之士。至比天下于逐鹿。幸捷而得之。不知神器有命。不可已智力求也。悲夫。此世所已多亂臣賊子者也。若然者。豈徒闇于天道哉。又不覩之于人事矣。夫餓饉流隸。飢寒道路。思有裋褐之襲。僦石之畜。所願不過一金。然終于轉死溝壑。何則。貧窮亦有命也。況虐天子之貴。四海之富。神明之祚。可得而妄處哉。故雖遭罹阨會。竊其權柄。勇如信布。彊如梁籍。成如王莽。然卒潤饁伏質。亨醢分裂。又況么磨。尚不及數子。而欲闡奸天位者。虐是故驚蹇之乘。不騁千里之塗。燕雀之矜。不奮六翮之用。棄稅之材。不荷棟梁之任。斗

胥之子。不秉帝王之重。易曰。鼎折足。覆公餗。不勝其任也。當秦之末。豪桀共推陳嬰而王之。嬰母止之曰。自吾爲子家婦。而世貧賤。卒富貴不祚。不如已。兵屬人。事成少受其利。不成禍有所歸。嬰從其言。而陳氏已監王陵之母。亦見項氏之必亡。而劉氏之將興也。是時陵爲漢將。而母獲于楚。有漢使來。陵母見之。謂曰。願告吾子。漢王長者。必得天下。子謹事之。無有二心。遂對漢使伏劍而死。已固勉陵。其後果定于漢。陵爲宰相封侯。夫已匹婦之明。猶能推事理之致。探禍福之機。而全宗祀于無窮。垂策書于春秋。而況大丈夫之事。虛是故窮達有命。吉凶由人。嬰母知廢。陵母知興。審此四者。帝王之分決矣。蓋在高祖。其興也有五。一曰帝堯之苗裔。二曰體貌多奇異。三曰神武有徵應。四曰寬明而仁恕。五曰知人善任。使加之已。信誠好謀。達于聽受。見善如不及。用人如由己。從諫如順流。趣時如嚮赴。當食吐哺。納子房之策。拔足揮洗。揖酈生之說。



寤成卒之言。斷懷土之情。高四皓之名。割肌膚之愛。舉韓信于行。陳收陳平于亡命。英雄陳力。羣策畢舉。此高祖之大略。所已成帝業也。若乃靈瑞符應。又可略聞矣。初劉媪妊高祖。而夢與神遇。震電晦冥。有龍蛇之怪。及其長而多靈。有異于眾。是呂王武感物而折券。呂公覩形而進女。秦皇東游。已厭其氣。呂后望雲而知所處。始受命。則白蛇分。西入關。則五星聚。故淮陰。謂之天授。非人力也。歷古今之得失。驗行事之成敗。稽帝王之世運。攷五者之所謂。取舍不厭斯位。符瑞不同斯度。而苟昧于權利。越次妄據。外不量力。內不知命。則必喪保家之主。失天年之壽。遇折足之凶。伏鉄之誅。英雄誠知覺悟。畏若禍戒。超然遠覽。淵然深識。收陵嬰之明分。絕信布之覬覦。距逐鹿之警說。審神器之有授。毋貪不可幾爲二母之所笑。則福祚流于子孫。天祿其永終矣。漢書敘傳上文選藝文類聚十

史記論

唐虞三代詩書所及世有史官司典籍暨于諸侯國自有史故孟子曰楚之禱杙晉之乘魯之春秋其事一也定哀之間魯君子左丘明論集其文作左氏傳三十篇又撰異同號曰國語二十篇由是乘禱杙之事遂闕而左氏國語獨章又有記錄黃帝以來至春秋時帝王公侯卿大夫號曰世本一十五篇春秋之後七國並爭秦并諸侯則有戰國策三十三篇漢興定天下太中大夫陸賈記錄時功作楚漢春秋九篇孝武之世太史令司馬遷採左氏國語刪世本戰國策據楚漢列國時事上自黃帝下訖獲麟作本紀世家列傳書表凡百三十篇而十篇缺焉遷之所記從漢元至武則自絕其功也至于採經摭傳分散百家之事甚多疏略不如其本務欲已多聞廣載爲功論議淺而不篤其論術學則崇黃老而薄五經序貨殖則輕仁義而羞貧窮道游俠則賤守節而貴俗功此其大敝傷道所已遇極刑之咎也然善述序事理辯而不華質

而不野、文質相稱、蓋良史之才也。誠令遷依五經之法言、同聖人之是非、意亦庶幾矣。夫百家之書、猶可法也。若左氏國語、世本、戰國策、楚漢春秋、太史公書、今之所已知古、後之所由觀前、聖人之耳目也。司馬遷序帝王、則曰本紀、公侯傳國、則曰世家、卿士特起、則曰列傳、又進項羽陳涉、而黜淮南衡山、細意委曲、條例不經、若遷之著作、採獲古今、貫穿經傳、至廣博也。一人之精、文重思煩、故其書刊落不盡、尚有盈辭、多不齊一。若序司馬相如、舉郡縣著其字、至蕭曹陳平之屬、及董仲舒、竝時之人、不記其字、或縣而不郡者、蓋不暇也。今此後篇、慎覈其事、整齊其文、不爲世家、唯紀傳而已。傳曰、殺史見極、平易正直、春秋之義也。

後漢班彪傳又見袁宏後漢紀十三有闕節

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後漢文卷二十四

烏程嚴可均校輯

班固

固字孟堅，彪子。永平中，召詣校書部，除蘭臺令史。遷爲郎，建初中，遷玄武司馬。永元初，大將軍竇憲出塞，曰：「爲中護軍，行中郎將事。」及憲敗，坐下獄死。年六十一。有白虎通德論六卷、漢書一百十五卷、集十七卷。

終南山賦

伊彼終南，歸巖嶙峋。巢青宮，觸紫辰。嶽峯鬱律，萃于霞雰。曖曖  
謁若鬼若神，傷吐飛瀨。上挺修竹，玄泉落落。密蔭沈沈，榮期綺季  
此焉恬心。三春之季，孟夏之初。天氣肅清，周覽八隅。皇鸞鸞鶩，警  
乃前驅。爾其珍怪，碧玉挺其阿。密房溜其巔。案文選蜀都賦注引  
或頌卽翔鳳哀鳴，集其上。清水泌流，注其前。彭祖宅，曰蟬蛻。安期

饗已延年唯至德之爲美我皇應福已來臻埽神壇已告誠薦珍

馨已祈仙嗟茲介福永鍾億萬年

初學記五

流澤遂而成水停積結而爲山

文選魏都賦注又天台山賦注

固僊靈之所遊集

文選頭陀寺碑注

覽海賦

運之修短不豫期也

文選潘岳西征賦注案此賦今見存者僅

收案張溥本有遊居賦卽冀州賦也乃班彪所作誤收

兩都賦序

或曰賦者古詩之流也昔成康沒而頌聲寢王澤竭而詩不作大

漢初定日不暇給至于武宣之世乃崇禮官考文章內設金馬石

渠之署外置樂府協律之事已興廢繼絕潤色鴻業是已眾庶悅

豫福應尤盛白麟赤雁芝房寶鼎之歌薦于郊廟神雀五鳳甘露

黃龍之瑞已爲年紀故言語侍從之臣若司馬相如虞丘壽王東

方朔枚舉王褒劉向之屬朝夕論思日月獻納而公卿大臣御史大夫兒寬太常孔臧大中大夫董仲舒宗正劉德太子太傅蕭望之等時時間作或曰抒下情而通諷諭或曰宣上德而盡忠孝雍容掄揚著于後嗣抑亦雅頌之亞也故孝成之世論而錄之蓋奏御者千有餘篇而後大漢之文章炳焉與三代同風且夫道有夷隆學有麤密因時而建德者不曰遠近易則故皋陶歌虞奚斯頌魯同見采于孔氏列于詩書其義一也稽之上古則如彼考之漢室又如此斯事雖細然先臣之舊式國家之遺美不可闕也臣竊見海內清平朝廷無事京師修宮室浚城隍起苑囿曰備制度西土耆老咸懷怨思冀上之睠顧而盛稱長安舊制有陋雒邑之議故臣作兩都賦曰極眾人之所眩曜折曰今之法度其詞曰

### 西都賦

有西都賓問于東都主人曰蓋聞皇漢之初經營也嘗有意乎都

河洛矣、輟而弗康、實用西遷、作我上都、主人聞其故而覩其制乎、主人曰、未也、願賓摠懷舊之蓄念、發思古之幽情、博我曰皇道、弘我曰漢京、賓曰、唯唯、漢之西都、在于雍州、實曰長安、左據函谷二嶠之阻、表曰太華終南之山、右界褒斜隴首之險、帶曰洪河涇渭之川、眾流之隈、潏涌其西、華實之毛、則九州之上腴焉、防禦之阻、則天地之隩區焉、是故橫被六合、三成帝畿、周曰龍興、秦曰虎視、及至大漢受命而都之也、仰悟東井之精、俯協河圖之靈、奉春建策、留侯演成、天人合應、曰發皇明、乃眷西顧、實惟作京、于是晞秦嶺、瞰北阜、挾灃灊、據龍首、圖皇基于億載、度宏規而大起、肇自高而終平、世增飾曰崇麗、歷十二之延祚、故窮泰而極侈、建金城而萬雉、呀周池而成淵、披三條之廣路、立十二之通門、內則街衢洞達、閭閻且千九市、闢場貨別、隄眾人不得顧、車不得旋、闔城溢郭、旁流百廛、紅塵四合、煙雲相連、于是既庶且富、娛樂無疆、都人士



女殊異乎五方遊士擬于公侯列肆侈于姬姜鄉曲豪舉遊俠之  
雄節慕原賞名亞春陵連交合眾騁驚乎其中若乃觀其四郊浮  
遊近縣則南望杜霸北眺五陵名都對郭邑居相承英俊之域紱  
冕所興冠蓋如雲七相五公與乎州郡之豪傑五都之貨殖三選  
七遷充奉陵邑蓋已強幹弱枝隆上都而觀萬國也封畿之內厥  
土千里遠矚諸夏兼其所有其陽則崇山隱天幽林穹谷陸海珍  
藏藍田美玉商洛緣其隈鄠杜濱其足源泉灌注陂池交屬竹林  
果園芳草甘木郊野之富號爲近畧其陰則冠昌九嶷陪昌甘泉  
乃有靈宮起乎其中秦漢之所極觀淵雲之所頌歎于是乎存焉  
下有鄭白之沃衣食之源提封五萬疆場綺分溝塍刻鏤原隰龍  
鱗決渠降雨荷畝成雲五穀垂穎桑麻鋪棗東郊則有通溝大漕  
潰渭洞河汎舟山東控引淮湖與海通波西郊則有上囿禁苑林  
麓藪澤陂池連乎蜀漢繚昌周牆四百餘里離宮別館三十六所

神池靈沼往往而在其中乃有九真之麟大宛之馬黃文之鼠條  
支之鳥踰崑崙越巨海殊方異類至于三萬里其宮室也體象乎  
天地經緯乎陰陽據坤靈之正位倣太紫之圓方樹中天之華闕  
豐冠山之朱堂因瓊材而究奇抗應龍之虹梁列芬橑曰布翼荷  
棟桴而高驤雕玉瑱曰居楹裁金壁曰飾璫發五色之渥彩光爛  
朗曰景彰于是左城右平重軒三階閨房周通門闕洞開列鐘虞  
于中庭立金人于端闕仍增崖而衡闕臨峻路而啟扉徇曰離宮  
別寢承曰崇臺開館煥若列宿紫宮是環清涼宣溫神仙長年金  
華玉堂白虎麒麟區宇若茲不可殫論增槃業峨登降炤爛殊形  
詭制每各異觀乘茵步輦惟所息宴後宮則有掖庭椒房后妃之  
室合歡增城安處常靈藟若椒風披香發越蘭林蕙草鴛鸞飛翔  
之列昭陽特盛隆乎孝成屋不呈材牆不露形褒曰藻繡絡曰綸  
連隨侯明月錯落其間金釭銜壁是爲列錢翡翠火齊流耀含英

懸黎垂棘、夜光在焉。于是玄扉鉅觀、玉階彤庭、硬礧綵緻、琳珉青  
熒、珊瑚碧樹、周阿而生。紅羅威縷、綺組繽紛、精曜華燭、俯仰如神。  
後宮之號、十有四位、窮宛繁華、更盛迭貴、處乎斯列者、蓋曰百數。  
左右庭中、朝堂百寮之位、蕭曹魏邴、謀謨乎其上、佐命則垂統、輔  
翼則成化、流大漢之愷悌、盪亡秦之毒螫、故令斯人揚樂和之聲、  
作畫一之歌、功德著乎祖宗、膏澤洽乎黎庶。又有天祿石渠、典籍  
之府、命夫惇誨、故老名儒、師傅講論乎六藝、稽合乎同異。又有承  
明金馬、著作之庭、大雅宏達、于茲爲羣。元元本本、殫見洽聞、啟發  
篇章、校理祕文。周呂鉤陳之位、衛呂嚴更之署、總禮官之甲科、羣  
百郡之廉孝、虎賁賡衣、閤尹闔寺、陛戟百重、各有典司。周廬千列、  
微道綺錯、輦路經營、修除飛閣、自未央而連桂宮、北彌明光而亘  
長樂、凌陰道而超西墉、提建章而連外屬、設璧門之鳳闕、上觚稜  
而棲金爵、內則別風之嶠嶢、眇麗巧而聳擢、張千門而立萬戶、順

陰陽已開闢爾乃正殿崔嵬層構厥高臨乎未央經駘盪而出馭  
娑洞杳詣已與天梁上反宇已蓋戴激日景而納光神明鬱其特  
起遂偃蹇而上躋軼雲雨于太半虹霓迴帶于芬楨雖輕迅與漂  
狡猶愕眙而不能階攀井幹而未半目眴轉而意迷舍樞檻而卻  
倚若顛墜而復積魂怳怳已失度巡迴塗而下低既懲懼于登望  
降周流已徬徨步甬道已縈紆又杳窅而不見陽排飛閣而上出  
若遊目于天表侶無依而洋洋前唐中而後太液覽滄海之湯湯  
揚波濤于碣石激神獄之蔭蔭濫瀛洲與方壺蓬萊起乎中央于  
是靈草冬榮神木叢生巖峻嶢嶭金石崢嶸抗仙掌已承露擢雙  
立之金莖軼埃場之混濁鮮顓氣之清英騁文成之不誕馳五利  
之所刊庶松喬之羣類時遊從乎斯庭實列仙之攸館非吾人之  
所靈爾乃盛娛遊之壯觀奮泰武乎上囿因茲已威戎夸狄耀威  
靈而講武事命荊州使起鳥詔梁野而驅獸毛羣內闕飛羽上覆

接翼側足集禁林而屯聚水衡虞人修其營表種別羣分部曲有  
署罟網連紘籠山絡野列卒周巾星羅雲布于是乘鑾輿備法駕  
帥羣臣披飛廉入苑門遂繞鄠陂歷上蘭六師發逐百獸駭殫震  
震爚爚雷奔電激草木塗地山淵反覆蹂躪其十二三乃勃怒而  
少息爾乃期門伏飛列刃鑽鏃要蹠追蹤鳥驚觸絲獸駭值鋒機  
不虛掄弦不再控矢不單殺中必疊雙颶颶紛紛矰繳相纏風毛  
雨血灑野蔽天平原赤勇士厲援狻失木豺狼懾竄爾乃移師趨  
險竝蹈潛穢窮虎奔突狂兇觸歷許少施巧秦成力折倚僞狡扼  
猛噬脫角挫脰徒搏獨殺挾師豹拖熊螭曳犀羸頓象罷超洞壑  
越峻崖躋巖巖鉅石隕松柏小叢林摧草木無餘禽獸殄夷于是  
天子乃登屬玉之館歷長楊之櫟覽山川之體勢觀三軍之殺獲  
原野蕭條目極四裔禽相鎮壓獸相枕藉然後收禽會眾論功賜  
胙陳輕騎已行魚騰酒車已斟酌割鮮野食舉烽命醢饗賜畢勞

逸齊大路鳴鑾容與徘徊集乎豫章之宇臨乎昆明之池左牽牛而右織女侶雲漢之無涯茂樹蔭蔚芳草被隄蘭茝發色畦畦猗猗若摛錦布繡燭耀乎其陂鳥則玄鶴白鷺黃鵠鵙鵲鵠鵠鵠鳬鳬鷺鷥鴻雁朝發河海夕宿江漢沈浮往來雲集霧散于是後宮乘輶輅登龍舟張鳳蓋建華旗祛黼帷鏡清流靡微風澹淡浮耀女謳鼓吹震聲激越營厠天鳥羣翔魚窺淵招白鵲下雙鵲揄文筆出比目撫鴻翼御綰繅方舟竝驚俛仰極樂遂乃風舉雲搖浮遊溥覽前乘秦嶺後越九嶷東薄河華西涉岐雍宮館所歷百有餘區行所朝夕儲不改供禮上下而接山川究休祐之所用采遊童之謹謠第從臣之嘉頌于斯之時都都相望邑邑相屬國藉十世之基家承百年之業士食舊德之名氏農服先疇之畝畝商修族世之所嚮工用高曾之規矩粲乎隱隱各得其所若臣者徒觀迹于舊墟聞之乎故老十分而未得其一端故不能徧舉也

東都賦

東都主人喟然而歎曰痛乎風俗之移人也子寶秦人矜夸館室  
保界河山信識昭襄而知始皇矣烏睹大漢之云爲乎夫大漢之  
開元也奮布衣已登皇位由數筭而創萬代蓋六籍所不能談前  
聖靡得言焉當此之時功有橫而當天討有逆而順民故婁敬度  
勢而獻其說蕭公權宜而拓其制時豈泰而安之哉計不得已已  
也吾子曾不是睹顧曜後嗣之末造不亦暗乎今將語子已建武  
之治永平之事監于太清已變子之惑志往者王莽作逆漢祚中  
缺天人致誅六合相滅于時之亂生人幾亡鬼神泯絕壑無完樞  
郛罔遺室原野厭人之肉川谷流人之血秦項之災猶不克半書  
契已來未之或紀故下人號而上訴上帝懷而降監乃致命乎聖  
皇于是聖皇乃握乾符闢坤珍披皇圖稽帝文赫然發憤應若興  
雲霆擊昆陽憑怒雷震遂超大河跨北嶽立號高邑建都河洛紹

百王之荒屯、因造化之盪滌、體元立制、繼天而作、系唐統、接漢緒、茂育羣生、恢復疆宇、勲兼乎在昔、事勤乎三五、豈特方軌並述、紛綸后辟、治近古之所務、蹈一聖之險易云爾哉、且夫建武之元、天地革命、四海之內、更造夫婦、肇有父子、君臣初建、人倫實始、斯乃伏羲氏之所已、基皇德也、分州土、立市朝、作舟輿、造器械、斯乃軒轅氏之所已、開帝功也、龔行天罰、應天順人、斯乃湯武之所已、昭王業也、遷都改邑、有殷宗中興之則焉、卽土之中、有周成隆平之制焉、不階尺土、一人之柄、同符乎高祖、克己復禮、已奉終始、允恭乎孝文、憲章稽古、封岱勒成、儀炳乎世宗、案六經而校德、眇古昔而論功、仁聖之事、旣該、而帝王之道、備矣、至于永平之際、重熙而累洽、盛三雍之上儀、修袞龍之法服、鋪鴻藻、信景鑠、揚世廟、正雅樂、人神之和、允洽、羣臣之序、旣肅、乃動大輅、遵皇衢、省方巡狩、窮覽萬國之有無、考聲教之所被、散皇明、已炳幽、然後增周舊、修洛



邑扇巍巍顯翼翼光漢京于諸夏總八方而爲之極是曰皇城之內宮室光明闕庭神麗奢不可踰儉不能侈外則因原野曰作苑塤流泉而爲沼發蘋藻曰潛魚豐圃草曰毓獸制同乎梁鄒誼合乎靈囿若乃順時節而蒐狩簡車徒曰講武則必臨之曰王制考之曰風雅歷騶虞覽駟鐵嘉車攻采吉日禮官整儀乘輿乃出于是發鯨魚鏗華鐘登玉輅乘時龍鳳蓋參麗絳鑾玲瓏天官景從寢威盛容山靈護野屬御方神雨師汎灑風伯清塵千乘雷起萬騎紛紜元戎竟野戈鋌彗雲羽旄掃霓旌旗拂天焱焱炎炎揚光飛文吐燭生風飲野歎山日月爲之奪明丘陵爲之搖震遂集乎中囿陳師案屯駢部曲列校隊勒三軍誓將帥然後舉烽伐鼓申令三驅輜車霆激驍騎電驚由基發射范氏施御弦不暇禽轡不詭遇飛者未及翔走者未及去指顧倏忽獲車已實樂不極盤殺不盡物馬踠餘足士怒未沫先驅復路屬車案節于是薦三犧效

五牲禮神祇懷百靈、覲明堂、臨辟雍、揚緝熙、宣皇風、登靈臺、考休徵、俯仰乎乾坤、參象乎聖躬、目中夏而布德、瞰四裔而抗稜、西盪河源、東澹海漘、北動幽崖、南耀朱垠、殊方別區、界絕而不鄰、自孝武之所不征、孝宣之所未臣、莫不陸轡水慄、奔走而來賓、遂綏哀牢、開永昌、春王三朝、會同漢京、是日也、天子受四海之圖籍、膺萬國之貢珍、內撫諸夏、外綏百蠻、爾乃盛禮興樂、供帳置乎雲龍之庭、陳百寮而贊羣后、究皇儀而展帝容、于是庭實千品、旨酒萬鍾、列金罍、班玉觥、嘉珍御、太牢饗、爾乃食舉雍徹、太師奏樂、陳金石、布絲竹、鐘鼓鏗鉦、管絃懽懽、抗五聲、極六律、歌九功、舞八佾、韶武備、泰古畢、四夷間奏、德廣所及、僭佞兜離、罔不具集、萬樂備、百禮暨、皇歡浹、羣臣醺、降煙燭、調元氣、然後撞鐘告罷、百寮遂退、于是聖上親萬方之歡娛、又沐浴于膏澤、懼其侈心之將萌、而怠于東作也、乃申舊章、下明詔、命有司、班憲度、昭節儉、示太素、去後宮之

麗飾損乘輿之服御、抑工商之淫業、興農桑之盛務、遂令海內棄  
末而反本、背僞而歸真、女修織紉、男務耕耘、器用陶匏、服尚素玄、  
恥織靡而不服賤、奇麗而弗珍、捐金于山、沈珠于淵、于是百姓滌  
假盪穢、而鏡至清、形神寂漠、耳目弗營、嗜慾之源滅、廉恥之心生、  
莫不優游而自得、玉潤而金聲、是曰四海之內、學校如林、庠序盈  
門、獻酬交錯、俎豆莘莘、下舞上歌、蹈德詠仁、登降飫宴之禮既畢、  
因相與嗟歎、玄德譙言弘說、咸含和而吐氣、頌曰、盛哉乎斯世、今  
論者但知誦虞夏之書、詠殷周之詩、講義文之易、論孔氏之春秋、  
罕能精古今之清濁、究漢德之所由、唯子頗識舊典、又徒馳騁乎  
末流、溫故知新已難、而知德者鮮矣、且夫僻界西戎、險阻四塞、修  
其防禦、孰與處乎土中、平夷洞達、萬方輻湊、秦嶺九嶷、涇渭之川、  
曷若四瀆五嶽、帶河汭洛、圖書之淵、建章甘泉、館御列仙、孰與靈  
臺明堂、統和天人、太液昆明、鳥獸之囿、曷若辟雍海流、道德之富、

游俠踰侈犯義侵禮孰與同履法度翼翼濟濟也子徒習秦阿房之造天而不知京洛之有制也識函谷之可關而不知王者之無外也主人之辭未終西都賓嬰然失容逡巡降階慄然意下捧手欲辭主人曰復位今將授子已五篇之詩賓既卒業乃稱曰美哉乎斯詩義正乎揚雄事實乎相如匪唯主人之好學蓋乃遭遇乎斯時也小子狂簡不知所裁既聞正道請終身而誦之其詩曰

明堂詩

於昭明堂明堂孔陽聖皇宗祀穆穆煌煌上帝宴饗五位時序誰其配之世祖光武普天率土各曰其職猗歟緝熙允懷多福

辟雍詩

乃流辟雍辟雍湯湯聖王莅止造舟爲梁幡幡國老乃父乃兄抑抑威儀孝友光明於赫太上示我漢行洪化惟神永觀厥成

靈臺詩

乃經靈臺靈臺既崇帝勤時登爰考休徵三光宣精五行布序習  
習祥風祁祁甘雨百穀蓁蓁庶草蕃靡屢惟豐年於皇樂胥

寶鼎詩

嶽修貢兮川效珍吐金景兮歆浮雲寶鼎見兮色紛緼煥其炳兮  
被龍文登祖廟兮享聖神昭靈德兮彌億年

白雉詩

啟靈篇兮披瑞圖獲白雉兮效素鳥嘉祥阜兮集皇都發皓羽兮  
奮翹英容絜朗兮於純精彰皇德兮侔周成永延長兮膺天慶

班固  
傳文

耿恭守疏勒城賦

日兮月兮阨重圍文選潘岳  
關中詩注

幽通賦

衛靈公太子蒯聵好帶劍長一丈公諫乃作短劍長一尺公知

不可已傳國乃逐之

書鈔一百二十二  
引班固幽通賦序

系高頊之玄胄兮，氏中葉之炳靈。飄飄風而蟬蛻兮，雄朔野已颺聲。皇十紀而鴻漸兮，有羽儀于上京。巨滔天而泯夏兮，考遘愍已行。謫終保己而貽則兮，里上仁之所廬。懿前烈之純淑兮，窮與達其必濟。咨孤蒙之眇眇兮，將圯絕而罔階。豈余身之足殉兮，悼世業之可懷。靖潛處已永思兮，經日月而彌遠。匪黨人之敢拾兮，庶斯言之不玷。魂煢煢與神交兮，精誠發于宵寐。夢登山而迴眺兮，覩幽人之髣髴。攬葛藟而授余兮，眷峻谷曰勿墜。眇昕席而仰思兮，心矇矇猶未察。黃神邈而靡質兮，儀遺讖曰臆對。曰乘高而還神兮，道遐通而不迷。葛藟緜緜于樛木兮，詠南風曰爲綏。蓋惴惴之臨深兮，乃二雅之所祇。既諄爾已吉象兮，又申之已炯戒。盍孟晉已迫羣兮，辰倏忽其不再。承靈訓其虛徐兮，竚盤桓而且俟。惟天地之無窮兮，鮮生民之晦在。紛屯適與蹇連兮，何艱多而智寡。上

聖寤而後拔兮雖羣衆之所禦昔衛叔之御昆兮昆爲寇而喪予  
管彎弧欲斃讎兮讎作后而成己變化故而相訖兮孰云傾其終  
始雍造忽而先賞兮丁絲惠而被戮栗取弔于適吉兮王膺慶于  
所感叛迴冗其若茲兮北叟頗識其倚伏單治裏而外荆兮張修  
祿而內逼聿中緡爲庶幾兮顏與冉又不得溺招路曰從己兮謂  
孔氏猶未可安憤憤而不葩兮卒隕身乎世禍遊聖門而靡救兮  
雖覆醢其何補固行行其必凶兮免盜亂爲賴道形氣發于根抵  
兮柯葉彙而靈茂恐魍魎之責景兮羌未得其云已黎潛耀于高  
辛兮芊彊大于南汜贏取威于伯儀兮姜本支乎三趾旣仁得其  
信然兮仰天路而同軌東鄰虐而殲仁兮王合位乎三五戎女烈  
而喪孝兮伯祖歸于龍虎發還師曰成性兮重醉行而自耦震鱗  
駘于夏庭兮市三正而滅姬巽羽化于宣宮兮彌五辟而成災道  
修長而世短兮雙冥默而不周胥仍物而鬼譏兮乃窮宙而達幽

嫫巢姜于孺筮兮、旦算祀于契龜、宣曹興敗于下夢兮、魯衛名諡  
于銘謠、妣聆呱而勒石兮、許相理而鞠條、道混成而自然兮、術同  
原而分流、神先心曰定命兮、命隨行曰消息、韓流遷其不濟兮、故  
遭罹而羸縊、三樂同于一體兮、雖移易而不忒、洞參差其紛錯兮、  
斯眾兆之所惑、周賈澁而貢憤兮、齊死生與禍福、抗爽言曰矯情  
兮、信畏犧而忌鵬、所貴聖人之至論兮、順天性而斷誼、物有欲而  
不居兮、亦有惡而不避、守孔約而不貳兮、乃輟德而無累、三仁殊  
于一致兮、夷惠舛而齊聲、木偃息曰蕃魏兮、申重繭曰存制、紀焚  
躬曰衛上兮、皓頤志而弗營、俟草木之區別兮、苟能實其必榮、要  
沒世而不朽兮、迺先民之所程、觀天網之絃覆兮、實棊謹而相順、  
謨先聖之大猷兮、亦鄰德而助信、虞韶美而儀鳳兮、孔忘味于千  
載、素文信而底麟兮、漢賓祚于異代、精通靈而感物兮、神動氣而  
入微、養流睇而發號兮、李虎發而石開、非精誠其焉通兮、苟無實



其孰信操末技猶必然今矧湛躬于道真登孔昊而上下今緯  
龍之所經朝貞觀而夕化今猶讀已而遺形若崩彭而偕老今詎  
求哲而通憤亂曰天造草昧立性命今復心弘道惟聖賢今渾元  
運物流不處今保身遺名民之表今舍生取誼已道用今憂傷天  
物忝莫痛今皓爾太素曷淪色今尚越其幾淪神域今

文類聚  
二十六

竹扇賦

青青之竹形兆直妙華長竿紛寶翼杏篠叢生于水澤疾風時紛  
紛蕭颯削爲扇翼成器美託御君王供時有度量異好有圓方來  
風辟暑致清涼安體定神達消息百王傳之賴功力壽考康寧累  
萬億

古丈  
苑

白綺扇賦

初學記二十五  
引班孟堅集佚

漢頌論功歌詩靈芝歌

因露寢兮產靈芝象三德兮瑞應圖延壽命兮光此都配上帝兮  
象太微參日月兮揚光輝

初學記十五御  
歷五百七十

賜道士出身一品銜唐華處提刑按察使司按察使兼管驛傳事務黃岡王毓藻校刊

全後漢文卷二十四終